

№ 17. ными литерами. Лѣтосчисленіе начертано церковною цифирью съ титлами. Печати нѣтъ. — Хранится въ фамильномъ архивѣ Галицкаго помѣщика Алоизія Борковскаго, жительствующаго Стрышскаго уѣзда въ деревнѣ Островѣ.

Списокъ акта сего, литографированный Лембергскими студентами въ Венгріи, въ Будимѣ, доставленъ въ Археографическую Коммиссію корреспондентомъ ея г. Зубрыцкимъ.

17. — 1427 сентября 7. Запись великаго князя Витовта на дворище, данное Еську Нешевичу въ Подольской землѣ.

Мы великій князь Витовтъ, дали есмы Еську Нешевичу дворище Ярополково пустое; осаживати ему собѣ и розпахивати собѣ. А на то дворище записали есмы ему сею нашею

грамотою пятьдесятъ гривенъ Подольскими полугрошки. А коли быхомъ хотѣли любо сами взяти съ него то селище, его осаженъ и розпахъ, или кому быхомъ призолили выкупити, тогда маемъ заплатити ему пятьдесятъ гривенъ полугрошки, по той личбѣ, какъ у Подольской земли идетъ. А писанъ въ городѣ въ Острозѣ, въ лѣто послѣ Христова Нароженья тысяча и четыреста и 27 лѣто, сентября у 7 день, индикта у 6-й.

Подлинникъ писанъ на пергаминахъ листкѣ, безъ знаменъ строчныхъ. Въ началѣ грамоты поставленъ крестъ. Лѣтосчисленіе церковными буквами. Внизу скръпъ: Довквирдъ правилъ. Красно-восковая печать привѣшена на пергаминахъ тесьмахъ. — Хранится въ Пулавской Библиотекѣ.

III. ГОСУДАРСТВОВАНИЕ СВИДРИГАЙЛА И СИГИЗМУНДА КЕСТУТЬЕВИЧА.

18. — 1430 ноября 5. Жалованная грамота князя Свидригайла Ивану Мушатѣ на имѣніе въ Луцкомъ повѣтѣ.

Милостью Божьею, мы великій князь Швитрыгайло Олькирдовичъ, чинимъ знаменито симъ нашимъ листомъ каждому доброму, нишнимъ и потомъ будучимъ, кто намъ узрѣть или его чтучи услышитъ, комуждо коли потребизна его будетъ. Иже видѣвъ и знаменавъ намъ службу его вѣрную, николи неомѣшканую, нашего вѣрнаго слуги пана Ивана Мушатѣ, и мы, порадовшыся зъ нашою вѣрною радю, съ князи и паны, и даемъ и дали есмы ему село Склинь, у Луцкомъ повѣтѣ, со всемъ съ тымъ, што къ тому селу слушало и здавна и нынѣ слушаетъ, и зъ гаи, съ полми и съ нивами, и зъ сѣножатями, и зъ лѣсы, и зъ дубровами, и зъ болоты, и зъ рудами, и зъ рѣками, и зъ потоки, и зъ кривницами, и зъ зеремени, и зъ бобровыми гоны, и зъ ставами и ставищи, съ ловы и зъ ловищи, и зъ мыты, дали есмы тому предреченому пану Ивану Мушатѣ и его дѣтемъ и его ближнимъ по немъ будучимъ, можетъ собѣ панъ Иванъ и его дѣти по немъ будучие того имѣнья розшировати, на новомъ корени посадити. Пытали есмы старыхъ бояръ и мужей старыхъ: што была земля одышла отъ Склиня къ Блудову о десетину, ино то есмы опять прывернули (съ) Склиня по высокую могилу, ѣдучы къ пустомыту, а дуброва вся съ нашими ловы по Горуховскую дорогу; а старое ставище велѣли были есмы zostавити пану Даньку Мукосѣвичу, а потомъ велѣли есмы zostавити пану Ивану Мушатѣ къ десетинному берегу къ бискупци-

кому. А панъ Иванъ Мушата рекъ передъ нами о гнетѣ: какъ коли не было десетины, а коли Богъ дастъ спустъ будетъ, и я дамъ на пречистую Богоматерь десятую бочку съ того ставу. А то есмы дали пану Ивану Мушатѣ и его дѣтемъ и его унучатомъ и его ближнимъ по немъ будучимъ, можетъ панъ Иванъ Мушата и его дѣти и его ближніе тое имѣнье продати и заставити, промѣнати или по души дати; а то есмы дали тое имѣнье вѣчно и непорушно. А пры томъ были наша вѣрная рада, князи и панове: князь Иванъ Васильевичъ Чорторыйскій, князь Михайло Васильевичъ Чорторыйскій, маршалокъ нашъ, панъ Иванъ Коварынъ Резановичъ, панъ Немира, староста Луцкій, панъ Гаврыло Шило Кирдеевичъ, панъ Василей Полоцкій, панъ Пешко, маршалокъ нашъ, князь Оедоръ Козека, панъ Семашко Ефифановичъ, панъ Оедько Колодязкій, панъ Оедько Козловскій, канцлеръ нашъ. А на подтверженіе того нашего жалованья, про лепшую память и твердость, и печать нашу велѣли есмы прывѣсити къ сему нашому листу. А писанъ у Луцку, подъ лѣты Рожества Иисуса Христова лѣтъ 939 мѣсяца ноября 5, индикта 9.

Изъ Литовской Метрики (Acta Magn. Duc. Litv., рукоп. in-fol. Судн. дѣлѣ, кн. XII, л. 157 об. — 158 об.), хранящейся при Правительствующемъ Сенатѣ, въ С. Петербургѣ. Въ заглавіи отмѣчено: Напервей привилей великаго князя Швитрыгайла, давый пану Ивану Мушатѣ на село Склинь у Луцкомъ повѣтѣ, на вѣчность, гдѣ и границы описаны суть. Эта привилегія подтверждена королемъ Сигизмундомъ I, 1541 г. сентября 20.

№ 19 19.—1437 октября 17. Жалованная
—20. грамота великаго князя Свидригайла
на имѣніе въ Житомирскомъ повѣтъ.

Милостію Божьею, мы великій князь Шви-
тригайло, Литовскій, Рускій и иныхъ. Чинимъ
знаменито и даемъ вѣдати каждому нинѣш-
нимъ и потомъ будущимъ, кто нанъ возрытъ
или его чтучи услышитъ, кому жъ того бу-
детъ потребно: ижъ видѣвъ и знаменавъ (?)
нанъ службу вѣрную ани неопущеную негда
нашего вѣрнаго слуги пана Коленика Мишко-
вича, и мы, порадившыся зъ нашими князми и
паны и зъ нашою вѣрною радюю, даемъ и да-
ли есмо тому пререченому пану Каленику въ
Житомирскомъ повѣтъ село Бурковцы, а село
Бодище во въЗгвягли, а Михеевичи, а Ходорко-
вичи, а Теиконичи, а въ Овруцкомъ повѣтъ
село Остафьево на Кпорынѣ, какъ Остафей
держалъ, а Вальковичи, а Демидковичи, а
Дмитреевича дѣти на Хвостниці, а подъ По-
лонимъ Вищы, и Кусопычи, а Плище на устьи
Саменицы на Случи; и мы ему дали и записа-
ли за его вѣрную службу тая села зверху вы-
писаная со всимъ съ тымъ, што къ нимъ изъ
вѣка и здавна слушало и тягло, и таке слу-
шаетъ вѣчысто а непоручно со всеми входы и
приходы, ничего на себе не вымѣнивая, съ
приселки и селищы, и зъ нивами, и съ пашня-
ми, и зъ лѣсы, и съ дубровами, и съ бортными
землями, и зъ гай, и съ пасаками, и зъ ловы и
мзищы, и зъ бобровыми гоны, и зъ зереманы, и
съ крыницами, и зъ озеры, и съ потоки, и ставы,
ставищи, и со млыны, и зъ мыты, и зъ болоты,
и зъ рудами, и таке што у тыхъ имѣньяхъ со-
бѣ примыслить и на новомъ корени посадить, и
со всеми платы, што къ тымъ имѣньямъ слу-
шаетъ и слушало, и таке и зъ луги и зъ сѣно-
жатыми и со всеми пожытки, можетъ собѣ по-
лепшывати и розширивати и осадити и пры-
множыти. А даемъ тому пререченому пану Ка-
ленику вѣчно и непоручно ему, а по немъ и

дѣтемъ его и внучатомъ и его ближнимъ и
щадкомъ его, волны во всехъ тыхъ имѣньяхъ
кому отдати и продати и промѣнити панъ
Каленикъ и его ближніе и по немъ будущые.
А пры томъ были свѣдоки наша рада: архи-
мандрытъ Печерскій Аврамей, а князь Иванъ
Путята, а воевода Кіевскій панъ Юрша, а князь
Борысь Глинскій, а панъ Достовскій староста
Каменицкій, а панъ Петръ Войницкій, панъ
Войдило, а панъ Гринко Сурвиловичъ, а панъ
Еско Мишковичъ, а панъ Ромейко, а панъ Ми-
хайло Мошенскій. А на подтверженъе того на-
шого жалованья, про лепшую память и твер-
дость, и печать нашу велѣли есмо привѣсити
къ сему нашему листу. Писанъ у Кіевѣ, подъ
лѣты Рождества Исусъ Христова тисеча лѣтъ и
чотырста тридцать и сегого лѣта, мѣсяца ок-
тебра сегогонадцать дня, индикта первого.

*Выписанъ изъ суднаго дѣла между княземъ Ва-
сильемъ Константиновичемъ Острожскимъ и не-
вѣсткою его княгинею Бятою, супругою кн. Іліи
Острожскаго, 1541 января 20 дня.*

*Изъ Литовской Метрики (Acta magn. duc. Litv.,
рукоп. in-fol. Судн. дѣлъ, кн. XII, л. 46—47), хра-
нящейся при Правительствующемъ Сенатѣ, въ
С. Петербургѣ.*

20.—1438 сентября 2. Жалованная
грамота великаго князя Свидригайла
на имѣніе въ Летичевскомъ повѣтъ.

Милостію Божьею, мы великій князь Шви-
тригайло, Литовскій, Русскій и иныхъ. Чи-
нимъ знаменито симъ нашимъ листомъ каждо-
му доброму, нинѣшнимъ и напотомъ буду-
щимъ, хто нанъ возрытъ или чтучи его услы-
шитъ, кому жъ то коли его будетъ потребиз-
на: ижъ видѣвъ и знаменавъ службу вѣрную,
а нигды не опущеную, нашего вѣрнаго слуги
пана Григорья Стреченовича, и мы, порадив-
ше съ нашими князи и съ паны и съ нашею
вѣрною радюю, дали есмо ему и записали, за

(*) Въ рукоп. «видѣлъ и знаменавъ».

его вѣрную службу, села у Летичевскомъ по-
вѣтъ, на имя Бѣликовци а Слободка, со
всѣмъ, што къ тымъ селомъ извѣка и здав-
на слушало и тягло, вѣчно и непоручно, со
всѣми входы и приходы, и съ приселки, и съ
селищи, и съ нивами, и съ пашнями, и съ лѣ-
сы, и съ дубровами, и съ бортными землями, и
съ гай, и съ пасаками, и съ ловы, и съ ловищи,
и съ бобровыми гоны, и съ зереманы, и съ рѣ-
ками, и съ озеры, и съ криницами, и съ пото-
ки, и ставы и ставищи, и со млыны, и съ мы-
ты, и съ болоты, и съ рудами, и такъ што въ
тыхъ имѣньяхъ собѣ примыслить на новомъ
корени посадить, и со всѣми платы, што къ
тымъ имѣньямъ слушаетъ и слушало, и такъ
съ луги и съ дубровами и сѣножатыми и со
всѣми пожытки, можетъ собѣ полепшывати и
розширивати, осадити и примножити. А даемъ
тому пререченому пану Гринку Стреченовичу
вся тая верху именованая мѣста у трехъ сетъ
копахъ широкихъ грошей, а по немъ вно его
дѣтемъ и его внучатомъ и его ближнимъ. А
паклибы хотѣлъ хто подъ паномъ Гринкомъ
Стреченовичомъ тыхъ имѣней добывати, или

подъ его дѣтьми, или подъ его внучаты и № 20.
подъ его счадки и подъ его ближними взяти,
тогда первое имаеть дати триста копъ широ-
кихъ грошей пану Гринку, а любо его дѣ-
темъ, а любо внучатомъ и ближнимъ его тожъ
имаеть тое имѣніе подъ ними взяти; а панъ
Григорей Стреченовичъ имаеть служити съ то-
го имѣнья копьемъ, и гдѣ будетъ намъ потребо-
но. А при томъ были свѣдоки наша рада: вла-
дыка Луцкій Оеодосій, а панъ Монивидъ, ста-
роста Подольскій и Кременецкій, а князь Ва-
сильей Андреевичъ, маршалокъ нашъ, а князь
Андрѣй Васильевичъ, маршалокъ нашъ, а панъ
Окушко Толкачевичъ. А на подтверженъе того
нашего жалованья, про лепшую память и твер-
дость, и печать нашу велѣли есмо привѣсити
къ сему нашему листу. А писанъ въ Острожѣ,
подъ лѣты Рождества Исусъ Христова 1000
лѣтъ и 438 лѣто, мѣсяца сентябрія 2 день, ин-
дикта 1. А пана Семашковъ приказъ.

*Списокъ съ подлинника, писаннаго на пергами-
нѣ, доставленъ въ Археографическую Коммиссію
корреспондентомъ ея г. Зубрицкимъ.*